

eos transmiseris ; at à præsentibus nobis majori
 altera non es fraudandus , quod ea feceris , quæ
 nibilominus eosdem ipsos cognoscere oporteat , at-
 que imitari . Non ego præ cæteris memorem ur-
 banam hanc Jovis arcem novis operibus auctam ,
 atque ad eam firmitatem comparatam , quæ par-
 tantæ Urbi , & veteri apud Italos æstimationi re-
 spondeat . Non Piceleonis alteram ad confluentes
 Abduam & Serium novis etiam munitionibus ad
 recentiorem militaris artis rationem ita instru-
 etam , ut integra ferme sit ab imo solo excitata .
 Non cæteras omnes Insubrium , quibus CÆSAR
 securitati publicæ consultum voluit , diligentia
 peritiâque tuâ lustratas , firmatasque . Non tor-
 menta bellica ex ære conflata ; Non forum , stra-
 tis vilibus substructionibus , Mercatorum commo-
 do , & Urbis elegantia restitutum . Non cinctas
 solidissimis repagulis fossas , per quas onerariæ
 naves in Urbem circumferuntur , sublatumque
 civibus frequens periculum . Non pomærium de-
 nique ad spatiose ambulationes propediem profe-
 rendum . Magna quidem sunt hæc ; sed quæ tem-
 pori cedant , perpetua verò , & præcipua tua glo-
 ria est optima illa imperandi ratio , qua , cùm
 traditam Tibi Rempublicam bene , ac ex omnium
 ordinum desiderio regas , Tu Tibi solus non satis
 fecisse videris , nisi conceptam animo felicitatem
 amore curâque tuâ populis dederis . Hinc assi-
 duus ille tuus fortunatorum laborum conatus ,
 quo totus negotiis ferme incubas ; hinc frequens
 ad Te accessus , & apertæ humilioris notæ civibus

aures